

МАРТТЬ

1-це шистонза 1941 кизоня

26 (1822)

ПИТНЕЦ 5 тр.



Комсомолю ВАЙГЯЛЬ

ВЛКСМ-нь МОРДОВСКИЙ ОБКОМЪ И САРАНСКИЙ ГОРНОМЪ ГАЗЕТАСНА

ЛИСЕНДИ

9-це КИЗОСЪ

Адрессь: г. Саранск,
Советская ул., Дом печати.

ПО-БОЛЬШЕВИСТСКИ ТОНАФНЕС ПАРТКОНФЕРЕНЦИЯТЬ РЕШЕНИЯЗОН

Февральть 20-це шистонза аделазе эсь работанц ВКП(б)-нь XVIII-це Всесоюзная конференциясь. Конференциять решениянза, конат проникнутайхть Сталинский мудростса, намечандакшихть конкретнай кит минь великай социалистический родинаньконь могуществанц сяда товодонь кемокстамаса, сонь хозяйственный и оборонный мощенц сяда товодонь вишкотеамаса.

Конференциясь няфтезе, што трудонь и тюреманы кись, конань начертал Сталин ялгась ВКП(б)-ть XVIII-це съездса, Советский Союзи обеспечиндась сяда товодонь успех сонь политический и хозяйственный мощенц вишкотеаманцы. Пяшкотыкшнемом Сталин ялгать мудрай указаниязон, минь народоньке неуклоннамоли инголи развитай капиталистический странатненъ экономический ширде ётамань исторический задачать решандамасовок.

XVIII-це Всесоюзная конференциять решениянза, конат примаетъ единомуднаиства, советский народти ашихть работань большевистский планкс. Синь мобилизовандакшнесазь сембе трудящайхненъ 1941 кизонди народнохозяйственной планть срока пинголе пашкодемандцы.

Ленинско-Сталинский комсомолъ—ВКП(б)-ть маластонь помощникон, мобилизовандамок эсь многомиллионнай виинзон, кармай по-большевистски тюрема конференциять решениянзон неуклоннаиства эряфс ётафтомаснон инкса.

Эрь комсомольский организациясь большевистский настойчивостса должн тюрем партконференциять решениянзон трудящайнъ кели массатненъ сознания сувафтомань тевса. Комсомолечне, коса ба синь афольхть работа, илады массатненди должетт фалу няфнемс трудонь образецт.

Всесоюзная партийная конференциять решениянза должетт арамс достояниакс сембе народоньконди. Синь эсост корхтамась моли минь сембе родинаньконь интереснон колга. Конференциять решениянза воодушевляндакшнесазь минь народоньконь, шафчихть сонь эсонза желания нингесядонга цебарьста, сядонга производительнайста работамати. Конференциять решениянза кеподихть социалистический соревнованиань одподьем, конач великай планонь работатненъ пашкодемаснонды ащи важнейшай условиякс. Полнайста пашкодемс конференциять решениянзон—сембе хозяйственный и партийнай руководителхненъ, сембе партийнай и аф партийнай большевикненъ честень тевсна!



Февральть 25-це шистонза Кремляса панжевсь СССР-нь Верховнай Советть кафекоце сессиян. А. Г. Зверев ялгась тии доклад. Председателень столть вакса (види ширде кержи шири): М. В. Кулагин, Ч. А. Асланова, Н. М. Шверник, А. А. Андреев, Т. Д. Лысенко и У. Юсупов ялгатне. Ложаса види ширеса кержи ширеста види шири: А. А. Жданов, Л. М. Каганович, Н. С. Хрущев, К. Е. Ворошилов, Н. В. Сталин, А. И. Микоян, В. М. Молотов, Л. П. Берия и лия ялгатне. Кержи ширеса ложаса види ширеста кержи шири: М. Маленков, М. И. Калинин, П. Г. Москатов, и М. Ф. Шкирятов ялгатне. Фотоь Ф. Кисловть и А. Грибовскийть.

СССР-нь ВАСЕНЦЕ СОЗЫВОНЬ ВЕРХОВНАЙ СОВЕТТЬ КАФКСОЦЕ СЕССИЯЦ

Февральть 27-це шистонза ульсть Национальностень Советть и Союзонь Советть раздельнай заседаниянса. Мольсть преният 1941 кизонди СССР-ть Государственной бюджетонц и 1939 кизонкса СССР-ть Государственной бюджетонц пашкодеманди колга докладть коряс.

Национальностень Советть заседаниясонза васенцес корхтась депутатъ Лаис. Латвияса советский властть улеманц нюрхкия пингстонза, корхтай сон, тиф пяк лама ниушедс касома промышленность, трудовой крестьянствась получае модать, пачф лама кемонь школа, больница, клуб. 1941 кизонь бюджетс лезды тейнек пашкодемс Сталин ялгать указанианц—маластонь кизотненъ пингста шарфомс Латвиять аграрнай странасти индустриальной странакс.

Депутатъ Прокконен корхтась од Карело-Финский ССР-ть успехонзон колга. Республикатъ од районзон эса нолдафтни ся предприятияне, конатненъ срафнекшнестъ белофиттне. Тифт машинно-тракторнай станцият, совхост. Пачф 270 школа, лама клуб, лама театра, 160 лама различнай здравоохранениянь учреждения. Йотай кизотъ коряс республикатъ бюджетонц касы 58 проценте.

Депутатъ Хоштария корхтась советский Грузиять пяк вишкста касоманц колга. Республикатъ крупнай промышленностенц валовой продукция ётай кизоня кась 1913 кизотъ коряс 26 крдада сяда ламоксть. Колхозне и совхозне касфнихть пяк питни субтропический и специальной техничекый культурат. Грузиясь арась сплошной грамотностень странакс.

Депутатъ Венцлова азондозе, што советский властть ладямдонза меле Литвань трудящайхненъ эряфса тиевсь величайшай переменат. Васень кофнень пингстакиге средний школатненъ эса учащайхненъ лувксона кась 14 тежянь ломаньц, высшай учебнай за-

ведениятненъ эса студенттненъ лувксона кась 100 процентс. Тяде кафтонь крда сяда ламоксть 1939 кизотъ коряс касыхть ассигнованиятне социально-культурнай мероприятиянди.

Депутатъ Искандаров цебарь цифраса няфтезе Таджикский ССР-ть народнай хозяйстванц и культуранц расцветснон. Сембодонга оюфт ня успехне велень хозяйствань областса. Республикатъ паксянзон лангса работай 51 машинно-тракторнай станция. 1940 кизоня государствати хлопкань максома планц пашкотъф 104 процентта ламос. Государственный бюджетъ апак лотксек касомап обеспечиндакшн сядатоводонь подьем республикатъ народнай хозяйстванцы.

Февральть 27-це шистонза Национальностень советть заседаниясонза тяфта жа корхтась депутатне Казакаев, Истомин, Гельдыев, Кулов, Андресен и Ибрагимов.

Союзонь Советть заседаниясонза васенце валть получае депутатъ Кулатов. Бюджетъ апак лотксек касоманц вельде, корхтай сон, Киргизский ССР-сь арась СССР-ть Восток ширесонза животноводствань основнай базакс. Мекольдены 6 кизотненъ пингста колхозненъ доходсна кась 10 крда. Республикаса—80 колхоз-миллионер.

СССР-нь здравоохранениянь народнай комиссаръ Митерев ялгась корхтась, што од бюджетъ эса цебарьста няеви населениять шумбрашинц ванфтоманц колга партиять и правительствать сталинский забортасна. Кизоста-кизос киренди заболеваемость. СССР-ть население эрь кизоня касонды сыхкава пяк, што тянь колга афи арьсеви мирса фявок капиталистический страна.

—Буржуазнай Эстонияса,—корхтай депутатъ Лауристин,—бюджетъ доходнай частец ащес пяк ою сталмокс трудовой народъ лафтувонзон лангса, а расходнай частец

мольсь СССР-ть лангс нападениянди плацдармань анокламанди. Тяни бюджетнай ассигнованиятне молихть ся промышленнай предприятиятненъ ладямаснонды, конатненъ срафнезень буржуазиясь, од фабриканы и заводонь строяме, просвещениянди, здравоохранениянди. Кажнай трешникс служай народть интересонзонды.

Депутатъ Форш корхтась, што ся 8 кофнень пингста, мзярда Бессарабиянь трудящайхне освобожденнайхть румынский баярхненъ игаснон эзда, освобожденнай народть эряфсонза тиевсь ни пяк ою изменений. Одукс латцеви промышленность. Марнек машффт безработицась. Модафтома и кржа мода мархта эряй крестьянтне получасть 250 тежянь гектарда лама помещичай и монастырский мода. Молдавский ССР-ть 447 миллион цалковайн суммаса бюджетон ащи источникос республикатъ хозяйственной и культурнай ширде пяк оюцста касоманцы.

Депутатъ Беляков корхтась советский народть благосостояниянц касоманц колга, кона цебарьста няфтьф 1941 кизонди СССР-ть государственнай бюджетонц эса.

—Минь правительстваньконь и лична Сталин ялгать пяк ою забортаснон вельде,—корхтай сон,—минь вооруженнай вииньке модать лангса и моряса апак лотксек получакихньхть од боевой средстват, арихть сембе сяда неуязвимайкс, сембе сяда страшнайкс любовай врагити. Минь, СССР-нь военнай авиациять работиконза, сембодонга вииста марясакь од техникать тя дыханиянц. Сон максей тейнкс кеме уверенностть сянь колга, што социализмань странатъ вооруженнай виинза непобедимайхть.

Февральть 27-це шистонза Союзонь Советть заседаниясонза тяфта жа корхтась депутатне Гедвилас, Малов, Алиев Гречуха, Вагапов и Горюнов.

(ТАСС).

Колхознай велесъ

Мокшень Пашад велесъ, кода и лама мокшень лия велет, ульсь фяк инь отсталай велесъ.

Велеть инь цебарь моданза ульсь кулакненъ кядьса. Трудовой народть кядьса модада пяк кржалъ, и сявок ульсь панда прыва, кона максесъ пяк кржа урожай. Пяк кржа крестьянинонь сатнесъ одстаде сёрон. Тянь сюнеда сашендовсь пилес питнеда работамс кулакненди и няемс ою нужа. Тянь колга трудящайхне фалу корхнестъ: «Тундасъ копорезонк кундасъ». И видекс мялкес, вдь тунда эрьсикхть инь стака работатне, а ярхцамс ашель мезьда.

Лиякс эряй М. Пашад велесъ тии Сталинский Конституция шивалдонц ала. Марнек велесъ пцтай ащи колхозса.

«Валда ян» колхозъ районца лувондови фяк инь передовой колхозкс. Колхозникне, тюремок агротехнический мероприятиятненъ эряфс сувафтомаснон инкса, кизоста-кизос сатнихть сембе сяда ою урожай, кизоста-кизос «Валда ян» колхозъ кемокстай хозяйственно-экономический и культурнай ширде.

Тяни велеса ули средний школа, коса тонафни 300—400 идь. Колхозса ули замечательнай клуб, коса колхознай од ломаттне культурна ётафнесазь свободнай пингснон.

Велеть аф кржа знатнай ломаньдонза. К. Гулькин ялгась белофиттненъ каршес мужественнайста тюремат инкса казъф Красное знамя ордена. Гулькина Аринать звенац 1940-це кизоня сембе работаса няфнесъ трудонь образецт—норманц фалу пашкотыкшнесте 300 процентс. Сон кочкаф райсоветонь депутаткс.

«Валда ян» колхозъ тии тиевсь подлинна большевистский колхозкс, а сонь членонза арась зажиточнайкс. Павазу и радостнай эряфонкса М. Пашадонь колхозникне, кода и сембе странань трудяйхне, азондыхть седиаксонь спасибо великай Сталинт.

В. Кирдяшкин.

Пурдошанский район.

Велень хозяйствань передовиконь совещанияста

Февральть 27-це шистонза МАССР-нь Верховнай Советть заседаниянь залсонза панжевсь велень хозяйствань передовиконь совещаниясь, коса присутствует 300 лама ломань—социалистический земледелиянь и животноводствань ударник и стахановец, колхознай велень знатнай ломатть.

Совещаниять панжезе МАССР-нь СНК-ть председателенц заместителец Куприянов ялгась. Эсь вступительнай валсонза Куприянов ялгась призвал велень хозяйствань передовиконь тяфта жа постахановски пашкодемс ВКП(б)-нь XVIII-це конференциять всемирно-исторический решениянзон.

Бурнай и ламос моли аплодисмент ала совещаниянь участникине кочказь почетнай президиуму партиять и правительствать руководителензон во главе Сталин ялгать мархта.

Совещанияса васенце кизефксть коряс — 1940 сельскохозяйственной кизоть итогонзон и 1941 к. задачатнень колга хозяйствань тя областсьа доклад мархта выступил МАССР-нь земледелиянь народнай комиссарсь Карпов ялгась. Сон эсь докладсонза тись подробнай анализ сянди, мезе сатсь минь республикань велень хозяйствась 1940 кизоня.

Колхозонь лувкссь, конат получать ётай кизоня оцю урожай, корхтай Карпов ялгась, ламонь крда кассь. «Кзыл Юл» колхозсь (Кадошкинский район) получась 1940 к. 18,1 центнер, «Красный партизан» колхозсь (Ковылкинский район) — 15 центнер, «Ударник» колхозсь (Теньгушевский район) — 17 центнер урожай эрь гектарста. Пушкинский МТС-нь комбайнерсь Гарин ялгась урядась съкамонза сняра сёра, мзяра урядась марнек Сире-Синдровань МТС-сь. Инсарский МТС-нь комбайнерсь Кузнецов ялгась урядась 828 лама гектар.

Тяфтама фактта,—сяда тов корхтась Карпов ялгась,—можналь няфтесм пик лама, сембе синь корхтайхть социалистический соревнованиянь и ударничествань ся пик оцю волнать колга, конач фатязень велень хозяйстваса работай ломаттнень.

—Но однака,—сяда тов корхтай Карпов ялгась,—лотксемс тейнек сатфксень лангс аф сави, слс мес ряцек синь мархтоост улихть нинге пик лама существеннай аф сатыксоньке. Республикаса улихть нинге райотт, коса урожайсь тичимс ляткшни ёмлакс. Пурдошанский, Темниковский райоттне ётай кизоть урожай получать эрь гектарста 5—7 центнерхт. Тя цифрась корхтай сянв колга, што ня райоттнень руководительсна ашеть вяте решительнай большевистский тюрема оцю урожайть инкса, таргсезь видемань срокнень, ашезь использовандакшне тягловай вийть, ашеть вяте тюрема вельхозвредительхнень каршес.

Ётай кизонь аф сатыксонень повторають и тичимень кой-кона райоттне. Тя няеви сянв эзда, што республикаса назем ускомань планць пашкотф аныцек 70 процентс, минеральный удобрениянь анокламась—30 процентс. Башка районга недооценивают ня мероприяйтнень. Игнатовский районца тичи-

сь шити ускоф аныцек 800 килограмма минеральной удобрения, Саранский районца—2000 килограмма, Ширингуский районца марнек ускоф аныцек 17 тонна назем.

Тракторнай парконь ремонтсь марнек республикаты эзга пашкотф аныцек 69 процентс. Афтада цебарьста ащи тевсь и прицепной инвентарть ремонтонц мархта.

Оцю урожайнь получамаса оцю значения кирди кадрань анокламась, но кой-кона МТС-не аф шарфнихть тя тевти сатомшка мьяль. Атаевань МТС-са трактористонь курсень укомплектовали аф совершеннолетний ломаньна.

Карпов ялгась кемоста критиковандазень МТС-нень работаснон. Ламось синь эздост калдывста тюрить горячайн экономиять инкса. Тянь сюнеда республикаса перерасходованнай горячайда 500000 палковайн питне. Тя перерасходсь лиссь тракторхнень мельге калдывтехнический ухотть и синь аф правильнайста использованиясь сюнеда.

Корхтамок 1941 кизонь задачатнень колга, Карпов ялгась особай мьяль шарфть почвать цебарьста обработкаи и сорнякнень каршес тюремат лангс, иба мекольцет каршес калдыв тюремат сюнеда 1940 кизоня юмафтф аныцек снавда 90 тежянь центнер и миллионшка центнер лия сёра.

Карпов ялгась эсь докладсонза лама корхтась животноводствать колга. Аш сомнения, што и тя областсьонга тона кизотнень коряс сатф аф кржа сатфста. Особенна оцю сатфкст животноводствань областсьа сатсь Атяшевский райононь колхозне. Ворошиловть лемса колхозсь (Саранский район) и «Якстере сокиця» колхозсь (Ромодановский район) животноводствать касфтоманц колга планинзон пашкодезь вельф. Но эрви азоме, што марнек республикаты эзга тя планць нинге прокс апак пашкодть.

Тячимс нинге илядсь, кода позорнай пятна,—тя молодняконь отходсь. Zubovo-Полянский и Ельниковский райоттнень эса отходсь пашкоткшни и 20 проценте районца молоднякть общей составониты. Причинась ащи синь мельгаст калдыв ухотть эса. Лама колхозга варварски обращаются вашу эльттнень мархта, максезь синь стака работас и стак тов. Лама фермава апак тихть жувататненьди лямбе зимовка, конань сюнеда молоднякть эйндафнесазь. Лама колхозса ферматнень лувкссна тичимс иляткшни пик малочисленнайк 2—3 пряс, а то и сяда кржас.

Рабочай вийть правильнайста расстановкац решает тевть успехонц. Партиясь и прави-

тельствась, штоба нинге сяда кеподемс колхозникнень мьяльснон работати, мярэгсть колхозонь правлениятненьди ударнай и стахановский трудонкса пандомс дополнительной трудшит. С. Шайговский райононь кой-кона колхознень эса тисть мекланкт. Тяся лодырхне, конат эцекшнесть разнай тежда работас, поучасть сяда лама трудошда честнай и добросовестнай колхозникнень коряс, конат урядазь колхозть паксянь тевонзон.

Колхозонь правлениятненьди, МТС-нь и совхозонь директорхненьди, а тяфта и комсомольский организациятненьди эривихть лувомс нят аф сатыксне и машфтомс синь. Тяникиге эривихть анокламс сембе детальхне. Аф нолдамс вельхозработань платтнень эса стама аф сатыкст, кода 13-ряднай сеялки видемс 4 гектархт, а 2 лемешнай плугти сокамс 1,5 гектархт кода тя ульсь кой-кона колхознень эса 1940 кизоня. Использовать эриви сембонь: кулуть, саразонь пометть, торфонь иляткснень. Объявить решительнай тюрема лодырхнень, рвачнень, лжеколхозникнень и лия тунеядецнень каршес. Тиемс колхознень подлинно-большевистскийкс, а колхозникнень—зажиточнайкс.

Омбоце кизефксть коряс 1940 кизоня ВСХВ-ть и сонь колганза 1941 кизоня задачатнень колга доклад тись ВСХВ-нь представительсь Беляев ялгась. Сон азондозе, што ВСХВ-са 1940 кизоня Мордовияста ульсь 1283 участник, лиякс мяргомс, питай кафтонь крда сяда лама 1939-це кизоть коряс. Тя фактсь тифта жа корхтай сянв колга, што соцсоревнованиясь велень хозяйствань рабочайхнень ётка ламода келемсь.

Основной аф сатыксонкс работань тя областсьа,—корхтай докладчиксь,—ниге тичимс иляткшни ся, што выставкаса участвовандай кржа хозяйстванда, и особенно кржа участвовандай велень хозяйствань специалистта. 1940 кизоня участвовандась агрономда 10, зоотехникта—1.

1941 кизоня сатомс стама положения, штоба выставкаса участвовандахть аф аныцек башка передовикт, а марнек хозяйстват: колхозт, совхозт и машинно-тракторнай станцият.

Докладта меле ушедсть прениятне. Васенце шиня пренияса корхтась 4 ломатть, конат азондозь совещаниянь участникненьди работань эсь опытнон.

ПУРОПТФТ ОЦУ УРОЖАЙНЬ ЗВЕНАТ

Каньгуш велеса «Путь к социализму» колхозонь бригадтне нят шитнень эзда ётафтеть бригаднай собраният, конатнень эса пуроптеть оцю урожайнь звенат. Ня звенатненьди звеньевойкс кочкафт инь цебарь колхозникне и колхозницатне.

Колхозса тичи лувондови сембоц 17 звена. Звенатне, вя-

темок вишке аноклама работа тундань видемати, сявсть эсь лангзост обязательстват.

Гуляйкин Семенц, Сидоркина Алесандрась, Кидямкина Акулинась сявсть обязательстват—сатомс оцю урожай.

Е. Кидямкин.
Ельниковский район.



СНИМКАСА: Кутаисский райононь активнай спортсменкась, XVII партсъездть лемса колхозонь колхозницась, конно-спортивной колхознай командать капитанок Тамара Адамадзесь. Адамадзе ялгать улихть отличный показателенза шелководичнай суксонь андомаса. Сон ульсь 1939-це и 1940-це кизоня ВСХВ-са участникакс и кемокстаф ВСХВ-нь участниконь кандидатокс 1941-це кизонявок.

Фотось П. Луценкоть (Фотось ТАСС-ть).

120 ПУД СЬОРА ЭРЬ ГЕКТАРСТА

(Темниковский райононь Сталинть лемса колхозть председателенц Манявин ялгать выступленияста)

— Минь колхозоньке—корхтай Манявин ялгась,—1940 кизоня оцю урожайнкса тюрема эсь лангзонза савф обязательстванц пашкодезе честь мархта. Минь поучаме в среднем эрь гектарть лангста зерновой 100 пудт сёра. Но тя тейнек аф предел. Обсуждандамок колхозникнень мархта 1940 кизоть итогонзон сямомс обязательства 1941 кизоня поучаме зерновой культураса урожай эрь гектарть лангста 120 пуд. Заверю передовиконь совещаниять, што и тя обязательстватьке минь пашкодсась честь мархта. Ибо минь колхозниконьке тичикиге ни включились Сталинский 7—8 миллиартт пуд сёрот инкса соревнованияти.

— Минь колхозоньке,—сяда тов корхтай Манявин ялгась,—ульсь ВСХВ-нь участникк 1940 кизоня и тичив-

ге кемокстаф тоза участниконди. Мекольдень кизотнень колхозоньке организационно-ламода кемокстась и ламода кассь сонь богатствац. Колхозсь арась прокс большевистскийкс, а колхозникне зажиточнайкс. Ули колхозса миньдень трактороньке, автомашинаньке, варма меленчаньке и лия предприятияньке; клубоньке, изба-читальняньке, пашфтома кудоньке и став тов.

1940 кизоня колхозникне, эсь пингстонза урядомок колхозть паксянь тевонзон и марнек пандомок государствать инголе колхозть долгонзон, поучасть эрь трудошити 6 килограммада лама продуктаса и 89 трешник ярмакса. Тяфтама зажиточнай эряфть инкса колхозниконьке азондыхть оцю спасибо коммунистический партияти и лична Сталин ялгати.

Колхозти минь лезксоньке

Минь Од-Выселкань средний школань ученикне Ичалковский средний школань пионерхнень примерснон коряс ётафтоме ни кой-кодама работа тилонь канкулатнень пингста ловонь кирдемасть коряс. Но тя лезкеть максоманц лангс аф лотксетяма. Штоба поучаль колхозоньке оцю урожай сай большевистский тундане, минь решили кочкамс местнай удобрений.

Аф кунара школьникнень ёткас ульсь ётафтфт беседат, коса кажнайсь эздонк сявсь

обязательства, штоба инь маластонь пингть кочкамс 50 килограммань саразонь помет и кулу. Улихть ученикт, конат ни кочкасть 50 килограмма саразонь помет и кулу.

Штоба пашкодемс тя обязательстватнень, развернули эсь ётксонк социалистический соревнования. Тянь мархта макстама оцю лезкс минь колхозоньконди оцю урожайнь поучамаса сталинский заданиять пашкодемашты. Лобурев. Zubovo-Полянский район.

„НА ШТУРМ“ ИГРАСЬ ЙОТАСЬ ЦЕБЯРЬСТА

Яктерь Армиять 23-це годовщинац шиста Zubovo-Polyanskiy sredniy shkolaniy uchenikiye etaftozye voenno-takticheskiy «Na shтурм» играть. 8 частта шобдава 300-шка ученик пуромсь школать ваксе. Эрь участникть ульсь эсь оружием: кой-конт анокласть «Максим» пулеметт, винтовкат, аф кржатне састь граната мархта.

Сембе синь содазь играть правилатненъ. Оборона нъ командирсь Александров Коласъ ванондозень, цебарьстали шифт юнармеецне, кодамот синь оружиена. Оборонаса ульсь 40-шка юнармеец. Пяле частта меле оборонительнай отрядсь занясь эстейнза васта. Александровсь точнайста максесъ командат:

— Ушкинть пулеметонц тязя! Кить ланге!—Обороннай отрядть вастон ульсь пик удобнай. Перф палге шифтонят. Види ширеса вирь. Юнармеецне мадондсть ловть ланге и учеть «противникть». Ветешка минутада меле оборонать разведкач пачфть куля, што «противниксь» аф пик ичкезе и сай тя направлениать коряс. Курокста наступающаихненъ разведчиксна ульсь сивфть пленн.

Наступающей отрядть командирон Умнов ялгась, аф содамок цебарьста обороняющей отрядть позициязон, лоткафтозень боецонзон няеви васте. Эста обороняющей отрядть пулеметонц кармась плендема. Наступающаихненъ эзда ламотне ульсь лифтьфть стройста. И можналь ни азоме, што сясысь оборонительнай отрядсь. Но фкя наступающей Кузнецов Володась, наряджась авакс. Обороняющаихненъ лувозь, што тя ломанц нурдоня мархта сай базарста. Кузнецовсь шоворсь обороняющаихненъ ёткс, салазе пулеметть и кармась тылста ляцендема обороняющаихненъ позицияснон ланге.

И тяфта дозорнаихненъ калдыв зоркостьснон сюнеда сясысь наступающаихне.

Играсть ётась пик живейста и интереснейста.

И. Чеканов.

КОМСОМОЛЪ БОЕВОЙ ЗАДАЧАЦ

Мордовский комсомольский организациясь, кода и сембе Ленинско-Сталинский комсомольсь, Яктерь Армиять 23-це годовщинац лемса лыжный комсомольский кроссти анокласта и сонъ этафтомстонза ламода цебарьгофтозе республикаса оборонно-физкультурнай работать. Кроссть эса комсомолце и комсомолкатне няфтьезь эсь ловкостьснон, смелостьснон, мужествоснон, анокшиснон арам минь социалистический родинаньконь аралама вракненъ нападенияснон эзда.

Республикаса февраль ковть 2-це шистонза савомок 23-це шинцы молеми кросса участия примась 27.529 ломань; лыжаса—15.881, пешай перехоттненъ эса участия примась 11.648 комсомолец. Кроссонъ сембе участникненъ эзда 24.405 комсомолец максозь 1 ступень ГТО-нь и БГТО-нь значокс норматненъ лыжас и пешай переходе коре, 300-шка участник максозь II ступенень ГТО значокс талонъ норматненъ.

Аныцек Саранск ошса примась участия кросса 2.544 комсомолец. Тя лувксть эзда лыжаса максозь норматненъ 1.689 ломань. Кроссонъ участникненъ эзда 2.030 максозь 1 ступень ГТО-нь и БГТО-нь значокс талонъ норматненъ.

Тяста няеви, што ВЛКСМ-нь горкомсь и сонъ военно-физкультурнай комиссия (председательсь Фролов ялгась) этафть оцю аноклама работа сян инкса, штоба сембе ширде анокта васьфтемс кроссть и этафтомс сонъ образцовайста. Организованайста и деловойста этафть кроссь Zubovo-Polyanskiy rayona (ВЛКСМ-нь райкомть секретарец Кандрашев ялгась). Кросса комсомо-

лецненъ эзда примась участия 90 процентшка. Лама первичнай организацият сатсть сян, што сембе комсомолецне кросса участия примась лыжаса. Районца 812 комсомолец максозь ГТО-нь значокс талонъ норматненъ и 147 комсомолец максозь БГТО-нь значокс норматненъ.

Атяшевский районца районнай организациянь сембе комсомолецненъ лувкста 82 процентсь примась участия кросса.

Эряви азоме, што рынок тифтама организованность мархта улихть стама факт, мзярда ВЛКСМ-нь кой-кона райкомтне, кода Рузаевскийсь, Ширингушскийсь, Темниковскийсь ашесь обеспеченда руководствать комсомольский организациятненъ лангса кроссти анокласть коряс, ашесь шарфта должнай мяль од ламаттненъ военнай воспитанияснон шири. Тянь сюнеда кроссть итогонза азф райоттненъ эса няфнихть калдыв результат. Ширингушский районца сембе комсомолецненъ эзда кросса участия примась аныцек 35 процент, аф ваномок сян ланге, што ВЛКСМ-нь обкомсь тянь колга ВЛКСМ-нь райкомть секретарец Кучерова ялгать аф весть предупреджал.

Темниковский районца (ВЛКСМ-нь райкомть секретарец Акимов ялгась, кросса участвовандась аныцек 31 процент сембе комсомолецненъ лувкста.

Кроссть этафтомац ащи крутой поворотокс военно-физкультурнай работать цебарьгофтомаса. Ся фактсь, што кроссь васьфть живой отклик комсомолонь массась ширде, кода служай важнейшай услоньясь физ-

культурнай работать вишконтемаса. И комсомольский организациятне марса физкультурнай и Осоавиахимский организациятненъ мархта, кда кярмодихть тя задачь пашкодеманцы, ламода цебарьгофтсазь од ламаттненъ военнай воспитанияснон.

ВЛКСМ-нь уставсь обязывает эрь комсомолецть овладеть военной специальностьс, совершенствоваться эсь военной содамашиной. ВЛКСМ-нь обкомть II пленумоц путсь эрь комсомольский организацият инголи задача, штоба эрь комсомолецсь, кода ашесь служба Яктерь Армияса, обязательна СССР-нь Осоавиахимонь Центральной Советть программанц коряс учебнай группатненъ эзда фкаса ёталезе военнай тевть тонафнеманц, штоба максолезень ГТО-нь значокс норматненъ, а эрь комсомолкати эрявихть максомс ГСО-нь и ПВХО-нь значокс норматненъ.

Тяниень пингть ётнихть ошень, районнай комсомольский активонь собраниятне, конатненъ эса тиендеви итоглынай комсомольский кроссти.

Тя собраниятненъ эса большевистский правдивостьс должет лихтевомс аф сатыкне, конат мушендыхть васта комсомольский организациятненъ работаса военно-физкультурнай тевть коряс. Активса тифта жа должет улеме намечендафт мероприятия апрель—сентябрь кофнени военно-физкультурнай работать колга ВЛКСМ-нь ЦК-ть планонц коряс.

А. Драняев.

ВЛКСМ-нь обкомть военно-физкультурнай отделонц заведующай.

ОБОРОННАЙ РАБОТАСЬ ЦЕБЯРЬГОДСЬ

Военно-физкультурнай работать состояниинц цебарьгофтомац—тя эрь комсомольский организацият ответственной задаца. Сире Сомай велень аф полнай средний школсас комсомольский организациясь, шарьхкодемком цебарьста тянь, кемоста кярмодес военно-физкультурнай работать цебарьгофтоманцы. Таса организовадафт кружокт военнай тевть тонафнеманц коряс. ГСО-нь значокс норматненъ

максомаса кружоксь, конанди руководить ащи медицинский работнипасъ Ильева ялгась, аккуратнайста этафнесыне занятиятненъ. Кружокть ули планон, кода шине этафневихть занятиятне. Комсомолецне занятиятненди цебарьста аноклакшнихть.

Осоавиахимский организациясь (председателец Савин ялгась) аф калдывста ладязе работать Ворошиловский стрелок значокс норматненъ мак-

сомаса группаса. Осоавиахимонь четтне цебарьста содасазь винтовкаты материальной частензон, тонадозь ляцендемань техникать. Особенно отличаются тя тевса Федин, Столяров, Шутин, Спириг ялгатне. Тиендевихть военизированной похотт. 30 школьник максозь БГТО-нь значокс талонъ норматненъ.

М. Афонькин.

Рыбинский район.

ГСО-нь 17 ЗНАЧКИСТ

Нинге тона ковть Мокша Ювня велень аф полнай средний школань первичнай комсомольский организациясь, штоба васьфтемс Краснай Армиять 23-це годовщинац обороннай подаркаса, организовадакшнесъ ГСО-нь значокс норматненъ максомаса кружок. Тя кружокса организованнайста этафневсть занятият, 17 комсомолец и комсомолка акуратнайста посещали сян. Тяни синь аф калдывста тонадозь санитарнай оборонань тевть, максозь ГСО-нь значокс норматненъ.

Сергеев.

Торбеевский район.

Краснай Армиять 23-це годовщинац честсь Од-Выселка велень средний школань комсомольский организациясь нят шитненъ эзда тиендсть лыжаса военизированной поход. Походть эса участия примась 14 комсомолец и комсомолка. Краснай Армиять 23-це годовщинац топодемань шинцы сембе классенъ эзда поддафтольхть етеной газетань специальной номерхт, конатненъ эса няфтьфть классенъ сатфксна обороннай тевть тонадомаса.

Лобурев.

Зубово-Полянский район.

Соревнованияс васенце вастть инкса

Тустатова велень «Активист» колхозса цебарьста моли тундань видемати анокламась. Петф сембе эрявикс инвентарсь, сортировандаф видьмось и пуропфто оцю урожайнь звенат. Звеньевойхне тяниень пингть кочкайхть местнай удобреният, усксихть паксыя назем, кочкайхть кулуфт и саразонь помет.

Колхозникне собранияс саявсть эсь лангозост обязательстват и тердезь социалистический соревнованияс Мокша Масканы велень «Од эряф» колхозть тундань видемати образцовайста анокласть инкса.

«Активист» колхозонь колхозникне, кемокстамок эсь ётковак соцсоревнованиянь договорхт, максеть вал, што кармайхть тюрема соревнованияс васенце вастть инкса.

И. Кудашкин.

Краснослободский район.

КОМСОМОЛЪ ВОСПИТАНИКОНЗА

(ОЧЕРК)

Лама километрнъ ётамда меле привалсь луганять лангса пик приятнай. Ваймамась пик питни нинге сяс, мес тяда меле эрявсь молеми несколько километра и бойс.

Сась илядсь. Степьсь равжомсь. Ся ёткова ушедсь митингсь. Батальоннай комиссарсь Березовский кучсь автомашинать бортонц ланге, варжакеть боецненъ и командирхненъ напряженнай шамаснон ланге (сембе жаднайста учеть, мезе азы комиссарсь) и кармась корхтама.

— Ялгат!—ушедсь Березовский,—вракне ёрайхть нельгоме минь павазу эряфоньконь... няфтьсась вракненди нинге весть виныньконь, нинге сада пик прославим советский

оружиять винынь...

Боевой митингса кайгозь-кайгеть выступающаихненъ боевой решимостта пашкесе валсна! Ломаттне винтовка, граната, пулемет мархта пуромсть круге и кажнайсь ёрась азоме эсь мялензон грядущай бойхненъ эса тюремат колга.

Митингс аделаф. Сембе тушендсть эсь вастоваст. Аф ламос ваймамда меле частсь тусь фронтовой линияв. Вага фронтсь! Аделафсь ровнай вастсь, эвондасть васень пандонятне. Оцю пандт ширде яфодсь кельме кожф, а аф ичкезе панттенъ ёткова сюренякс таргавсь лийсь. Кулевсь артиллерийский конанадась. Неприятельский снарядтне прашендсть аф ичкизи, кепсемок вярн модань качамоны дуят...

А. Дуйков.

Фкя подразделениясь получась боевой приказ:

— Занямс «Р» высотать.

Эрявсь тиёмс марш. Шись псиль. Пульсь столбань-столбань кепсесь кить лангста, шись пидесь боецненъ шамаснон эса.

Вов ни няеви «Р» высотась. Подразделениясь занясь рубеж наступлениянди. Командирсь Быков нинге весть азондозе задачь. Кирнесь сотке комсомолецненъ мархта. Подразделениясь срхкась, тусь наступлениясь. Васенце бойсь, васенце испытаниясь! Наступали высотать ланге. Противникть ширде вайхкеть тежятть пуля, сязендевь гранататне. Подразделениясь меткай стрелоконза и пулеметчикне машфтозь врагть маластонь огневой точканзон. Старшай лейтенанть Быков стясь и кайги вайгяльса ивалсь:

— «Родинаць инкса»! «Сталинть инкса»! Инголи атакас!

Сонь мельганза стясь подразделениясь и тусь штыковой схваткас. Кайгозь-кайгозевсь «Урась». И стремительнай ударса врагсь тапаф высотать васень пилестонза.

Подразделениясь тюрь вражеский укрепленнай районца. Гранатада илядсь аф лама, а врагсь анокласть атакас.

Командирсь Быков варжакеть боецонзон ланге и пшкядсь:

— Кие сяда курок пачфти тязя гранатат?

Капустинць маргсь:

— Мон и Сушкось.

— Арда—маргсь командирсь.

Капустинць и Сушкось пекснон лангса маштозь тусь гранатанкса. Пяле частта меле синь кандсть ни лама граната. Вражеский атакатне ульсь отбитахть, гранататне цебарьста тиендезь эсь тевснон.

Вете ялгатне, бесстрашнай комсомолецне Сушко, Капустин, Калинин, Ивашкин, Гра-

чев—тюрь эряфснон апак ужальдть, действодасть дружнайста, смелайста. Синь ульсь фкя мялсна—сяда курок машфтомс врагть.

Капустин комсомолецсь ня схваткатненъ колга азонды:

— Минь ветенек сопкать омбоце ширестонза энеме котловантти, конань занязь вракне. Синь эздост ульсь нилегемоньда лама. Котлованца шувонфт модать потмова якамс варят, пашкельсь блиндажда, граншейда и ашесь настоящей укрепленнай районкс. Тя ульсь жестокай рукопашнай схватка. Сязендевь гранататне, грохисеть винтовочнай выстрелхне, маривать вракненъ шумсна и стакаста куфцемасна. Васенда врыгтемс ветенек вракненъ ланге, кеве-тишкарь шавось, а лядыкне ушедсть воргодема модать потмоса шувф варятненди. Минь мельгасть и кафта частонь пин-

(Полаткоц 4-це страницаз)

ШКОЛЬНАЯ ЭРЯФСЬ

ЛУЧШАЯ
ЧИТАТЕЛЬСКОЕ

Художественная литература лувондомац паяк лезды ученикнень общей кругозорной келептмаса. Минь Мамолаевский школьный библиотекасонк 1400-шка книга. Тяся улихть русский литературь XIX-це веконь классиконзон Пушкинть, Л. Толстойть, Лермонтовть произведенийсна. Оцю популярностьса пользвандайхть мировой литератураса — Гётень, Байрононь, Шиллеронь произведениясна.

Советский литературь эзда улихть А. Толстойнь, Михаил Шолоховонь, Н. Островскийнь, А. Фадеевть, Серафимовичть произведениясна. Ученикне оцю мяльса лувондсазнь — «Костер», «Мурзилка», «Дружные ребята» журналхень и «Пионерская правда» газетать.

Библиотекась аф бедная научная темас коре литературасовок. Тяся можнат мумс географиять, физикасть и лама лия дисциплинань коряс литература.

Аф кржа школьник оцю мяльса лувондхть уликс художественная литературь эса. 7-це классонь отличниксь Матвеев Шурас 1940—41-це тонафнемас кизоть васенце полугодиястонза лувсь 27 книга. Синь ёткост Гайдаронь «Борьба за огонь», М. Горькийть — «Детство», «В людях», «Мои университеты», А. Голубеев — «Мальчик из Уржума» произведенийсна. Тада башка лувозень сембе произведенийнень, конат ётавихть литератураса программать коряс 7-це класса. Тянь вельде сон тяни свободнайста выражает эсь мыслянзон.

9-це классонь ученикс Лешев Тимас лувсь 25 книга, конатнень ёткса Новиков-Прибойть «Пусима», Серафимовичть — «Железный поток», Ожованьолить — «Спартак» произведениясон. Тяфтама активнай читателькс лувондовихть Кадынов Ваняс, Балабенков Петяс, Кодатский Леняс, Кечин Петяс.

Ив. Матвеев.

Рыбинский район.

Комсомольск воспитанников

(П Е Ц)

гста фявок живойста ашеме полда. Кафксть улень ранендаф мон, колмоксць — Калинин, ранендаф кядьти Ивашкинц, Грачевсь ульсь шавф и анык Суско синь ёткост илядсь невредимайста. Минь пашкодеск родинать инголе долгоньконь кода настоящей комсомолец.

Мзярда сопкать ароптозь вракнень эзда, героический четверкас татардеск сиземать эзда лиссь катлованца. Алай вер шудеск теласон эзда. И анык бойда меле приметазь, што Грачевсь шавф...

Героический боецне валхтозь каскасон и прочнасть боевой ялгасон мархта.



СНИМКАСА: Вад-Селища велень НСШ-нь (Зуб.-Полянский район) отличникне (кержи ширде види шири) Бечкаева Василисась, Зайкина Фаясь, Маршев Ваняс, Зуйкин Ваняс и Соколов Филиппсь.

Фотосъ В. Веретенниковъ.

Кемокстасакь сатфкснень

Атюрьевский средний школань ученикне и педагогический коллективсь, сявонцть эсь лангозост обязательстват анокламс ВКП(б)-ть XVIII-це партконференцияц лемс достойнай подаркат. Вишконтесъ социалистический соревнованять тонафнемань тевса одсатфкснень сатомасон инкса. Лама ученик тяниень пингть тонафнихть отличнайста и чебарьста, дисциплинированнайхть. 10-це классонь ученикс Попов ялгась тонафни анык от-

личнайста.

Тяфта жа тонафнихть 10-це классонь ученикс Иневаткинась, 10-це классонь ученикс Тишкинась и лият.

Азф ученикне и ученицатне ашихть примеркс сембе школьникнеди общественной работань пашкодмасовок. Синь, пашкодемек ня обязательствасон, тяниень пингть тюрихть сянь инкса, штоба кемокстамс синь и сатомс нинге сяда оцюфт.

К. Черакшев.

СОДАФ ВАЙГЯЛЬ

«Кеподестъ фяк кяденьтень ввари, а фякть кирдестъ боксон!» — ивадсь физкультурань преподавательсь В. И. Потапкинц. Ня валхне арасть Колпинский аф полный средний школань эрь ученикти паяк содавикс. Синь ня валхнень марьсесазь физкультурань эрь урока. Но эриви тиемс койкодама комментарий. Аф эрь урока Потапкинть тяфтама вайгялец. Васень пингть Потапкинть вайгялец ульсь кяжи, и видеста эриви азомс, сон вешсь, штоба эрь ученикс точнайста пашкоткшнелезе команданц.

Мекольдены кофнень пингста эрьсекшнихть оцю аф сатыкт. Лоткасть ученикне фяк кядьсон ввари кепсемдост и нльне койконат ашестъ карма са-

шенкшнеме физкультурань урокендинге. Виде, васенда Потапкинц паяк шумодакшнесь, корхнесь школань директоринге тянь колга. Но мезевок ашезь лисе. Директорсь, пашкоткшнелезе эсь чинонь долгонц, афодезень кафта кядензон и арьсесь: «Мезе тиендемс ина». Можеть и шарьхкодс мон, што сембе ученикнень мархта административнай мерат аф примат, а воспитаньясь тевсь паяк стака. И тяниень пингть Потапкинц и директорсь тяфта жа эривхть ашихть, а лама ученик тяфтажа тянинге аф яксихть физкультурань урокенди.

Но минь лездатам тянь коряс и Потапкинц и директорти. Тевсь ащи сянь эса, што Потапкин ялгась тонафнемас кизоть васенце полугодиястонза тонафтозень ученикнень анык ввари кядьсон кепсеме. Тяфтама схоластикась мезевок общей аф кирди физкультурь преподаванияц мархта. Физкультурасъ — тя дисциплинань расадник. Воспитывает иттенди ломанень лучшей качестват: настойчивость, решительность, смелость и отвага. Школань директорти пинге ни шарьхкодеск тянь и эриви примаме решительнай мерат сянь инкса, штоба чебарьгофтомс физкультурань дисциплинаць преподаваниянь качестванц.

Прадин

Сире-Синдровский район.

ВИШКОПТЕМС АНТИРЕЛИГИОЗНОЙ РАБОТАТЬ

Колхозникнень коммунистический воспитаньясост и общественнай трудити сознательнай, социалистический отношениян привитиясь антирелигиознай пропагандасъ кирни важнейшей политической значения. Но аф ваномок тянь ланге, башка велеса антирелигиознай пропагандасъ каф эсь отям молати.

Тяфта, например, Сире Дракинаны «Цятка» колхозса. Тяся лама культурнай вида, ули комсомольский организация, кона должен возглавлять воинствующай безбожниконь союзть работанц, но сон мезеге аф тиенди. Вов ни пале

киза колхозникнень ёткса ашель фявок беседа и лекция антирелигиознай темас коре. Тянь сюнеда башка саботажникнень ланге ваномок, кой-кона колхозникне религиознай празниконь шиня аф лисендихть работама. Вов сявсасъ П. И. Наумкинть и И. Т. Черентаевть, конат ламоксть ни ашестъ лисенде работама.

Сире Дракинаны комсомольский организацияти тя эриви лувомс и вишконтес колхозникнень ёткса антирелигиознай работать.

И. Китов.

Ковылкинский район.

ТОРБЕЕВАНЬ РОНОТЬ МЯЛЬС

Аф вестъ Мокша Ювня велень комсомольский организациясь эсь собраниясонза корхнесь велеса культурно-массовой работать колга. Синь ламоксть пачфнестъ куля Торбеевский районнай организациятнеди сянь колга, што велень избачсь Асташкинц аф пашкоткшнелесне эсь обяванностензон, што сон избачитальнайке панчсесы анык кафта-колма шити вестъ,

газетат, журналхт тоса аф эривхть. Но Торбеевань РОНО-сь мес-бди тачимс кодамовок мерат тя бездельникть мархта аф примоси.

Комсомоленне вешихть РОНО-ть и ВЛКСМ-нь райкомть ширде, штоба синь прималхть эривке мерат Асташкинть мархта.

Ив. Родин.

Торбеевский район.

СЪОРМА РЕДАКЦИЯВ

Кода ни омбоце кизосъ тунь Рыбинский районити, но комсомольский учетста тумстон валгомс ашень кенерь. Частьса, коса мон служан, комсомольский бюросъ аф вестъ тиендс запрос ВЛКСМ-нь Рыбинский райкомти, штоба кучелезень монь личнай тевнень, но ответ ширдест ашеме получа.

Мон эняльдан «Комсомолонь вайгяль» газетать редакциянцты лездомс тейне, штоба ВЛКСМ-нь Рыбинский райкомс кучельхнень монь личнай тевнень тейнза содаф адресонь коряс.

И. И. Велькин, краснофлотецъ.

РЕДАКЦИТЬ ЭЗДА

Редакциясь лувондс, што ВЛКСМ-нь Рыбинский райкомс комсомольский бюротъ запросонц ланге ваны формально-бюрократически. Анык тянь мархта можна азондомс тя тевть.

Редакциясь надият, што ВЛКСМ-нь обкомс кошардос ВЛКСМ-нь Рыбинский райкомть, штоба маластонь пингть кучельхнень Велькин ялгать личнай тевонзон.

Редакциясь.

США-са ЗАБАСТОВОЧНОЙ ДВИЖЕНИЯСЬ

Рейтер агентствасъ пачфни, што Буффалоса (США, Нью-Йорк штат) сталелитейнай заводонь 4 тежянь рабочай тистъ забастовка, сяс мес администрациясь ашезень прима меки работама ся рабочайхнень, конат паньфтельхть забастовкаса участвондама инкса. Заводть инголи бастующайхне ладасть пикетт.

Сяда тов агентствасъ корхтай, што Вашингтонца паяк обеспокоеннайхть, сяс мес предприятиянень эса касонды

забастовкань лувкссь. Листсь серьезнай конфликт рабочайхнень и предпринимательхнень ёткса автомобильнай, текстильной и угольной промышленностиса. Автомобильнай рабочайнъ профсоюзс кучсь президентти Рузвельтонди телеграмма, конань эса корхтави, што кда Фордонь фирман аф вандесне рабочайхнень требованиясон, то 95 тежянь рабочай тихть забастовка.

(ТАСС).

Англияса „Дейли уоркер“ газетать араламанц инкса кампаниясь

Англияса вишкомкшни кампаниясь английский компартиять «Дейли уоркер» газетанц араламанц инкса, конань лоткафтозе правительствась лисендемда.

Машиностроителень профсоюзонь Манчестерский окружной комитетсь лихтсь протестонь резолюция газетать лисендемда лоткафтоманц каршес. Тяфтама жа резолюция примаст Шотландский промышленнай лама ошонь профсоюзонь со-

ветне. Южная Уэльсса «Дейли уоркер» газетать запрещенианц каршес протестонь резолюция лихтсь горняконь Южно-Уэльсский федерациять 24 отделенияц и лама лия профсоюзнай организация. Ня шитнен Лондонца ульсь митинг, коса кочафоль 226 фунт стерлинг «Дейли уоркерть» араламань фондонтиты. (ТАСС).

Врид. ответ. редакторсь Дм. РОДИН.